

յութեան ընթացքում, երբեք չի մտածել օրէնք, հաստատուն կարգ ու կանոն ստեղծելու: Ամէն ոչ թողնուած է եղել իր ազատ կամքին՝ բարի կամ չար գործելու: Եւ որովհետեւ մարդկային բնաւորութիւնը միշտ տրամադիր է չարը գործելու — Աւետարանի ասածին պէս՝ չարի ճանապարհը լայն է եւ հեշտալի — դրա համար էլ մեր երկիրը լցուել է անօրէնութեամբ եւ թշուառացել:

Անդամ իր անկախութեան ժամանակ՝ Հայաստանը կառավարուել է առանց օրէնքի: Թագաւորների եւ իշխանների կամքն է եղել օրէնքը, աւելի ճիշդ՝ նրանց քմահաճոյքը:

Բայց մի՞թէ կարող է հանդուրժելի համարուել նման երեւոյթը: Զէ՞ որ թագաւորներն ու իշխանները դերմարդիկ չեն. նրանք էլ սովորական մահկանացուներ են, մարդկային միեւնոյն դրական եւ բացասական յատկութիւններով, միեւնոյն զգացմունքներով ու կրքերով: «Նրանք էլ սիրոմ են, ատում, բարկանում, քաղցում, յազենում, հիւանդանում եւ մեռնում են, ինչպէս իրենց հպատակները» (46):

Դրա վրայ աւելացրէք նաեւ, որ իշխանութիւնը եւ ուժի գիտակցութիւնը ընդհանրապէս ամբարտաւան են դարձնում մարդս. եւ յաճախ չարիքների աղբւրը հանդիսանում, ապա միանդամայն հասկանալի կը լինի Շահամիրեանի դարմանքը, երբ գոչում է. «Ի՞նչպէս կարող է մէկ մարդը թագաւորել մի ամբողջ ազգի եւ մի ազատ ժողովրդի վրայ, քանի որ նա չունի ոչինչ աւելի, քան մի մարդու կարողութիւնը» (19):

Այստեղից է ահա բխում մեր հեղինակի ժխտողական վերաբերմունքը դէպի միապետութիւնն ընդհանրապէս եւ դէպի անասման միապետութիւնը մասնաւորապէս: Հայաստանի թշուառութիւնը եւ հայ ժողովրդի ներկայ ու անցեալ դժբախտութիւնները — նրա կարծիքով — հետեւանք են գլխաւորապէս երկրի սխալ վարչաձեւի՝ ինքնակալ միապետութեան եւ դրա բնական շարունակութիւնը կազմող օրէնքի բացակայութեան:

Սակայն դրա պատճառը նա միամտօրէն հայ ժողովրդի ծուլութիւնն է համարում, որ եւ դատապարտում է ամենախիտ ձեւով. — «Եթէ հայ ժողովուրդը ծոյլ չգտնուէր եւ ժա-

մանակին մեր փոփոխական բնութեան ցաւի դեղը հաստատէր, մենք ազատ կը լինէինք այն դարչելի նախատինքից, որ շարունակ կրում ենք մեր ուսերի վրայ անօրէններից» (100):

Այսպէս ուրեմն, օրէնքի բացակայութիւնն է եղել հայ ժողովրդի թշուառութեան գլխաւոր պատճառը, հետեւաբար եւ օրէնքի դոյութիւնը պիտի լինի նրա փրկութեան ու երջանկութեան խարխալը:

Ահա այն մայր դաղափարը, որ կազմում է հեղինակի բոլոր մտքերի, ինչպէս նաեւ «Որ. Փառաց»ի հիմնական առանցքը:

ՀԱՅ ԺՈՂՈՎՈՒՐԴԻ ՓՐԿՈՒԹԵԱՆ ՄԻՋՈՅԸ

Հայաստանի թշուառութիւնը եւ նրա պատճառները մանրամասնօրէն ներկայացնելուց յետոյ՝ Շահամիրեանը տալիս է եւ այն միջոցները, որոնցով հայ ժողովուրդը կարող է փրկուել եւ երջանկութեան հասնել:

Դրանք են. —

ա) Անկախութիւն

Բնական է, որ այդ միջոցների թւում առաջին տեղը պիտի բռնէր հայ ազգի ազատագրումը ամէն մի օտար լծից կամ իր լեզուով եթէ ասենք՝ «ի ծառայութենէ այլ ազգաց»:

Բայց ի՞նչպէս պիտի կատարուել այդ ազատագրումը — ապստամբութեան միջոցով թէ՞ մի այլ ճանապարհով: Սա՛ է հետաքրքրականը:

Յաճախ նա խօսում է գէնքի եւ նրա դործածութեան կարեւորութեան մասին, դտնում է անհրաժեշտ, որ հայ մանուկները, այբուբէնի հետ միասին, նաեւ զինավարժութիւն սովորին. յորդորում է հայ հայրերին, որ իրենց զաւակներին կրթեն «գէնքի եւ զինուորութեան արհեստի» մէջ. յորդորում է հայ օրիորդներին՝ ամուսնանալ «քաջ տղամարդկանց եւ քաջ զինուորների հետ» (129) եւն.: Այս ամէնից մարդ այն տպաւորութիւնն է ըստանում, որ հեղինակը վերջ ի վերջոյ գէնքը եւ ապստամբութիւնը պիտի առաջարկի որպէս միակ միջոցը հայ ժողովրդի փրկութեան:

Սակայն, այդպէս չէ: Իր սովորական անհետեւողականութեամբ այս դէպքում էլ մտածողութեան մի խոշոր թռիչք է կատարում մի բեւեռից դէպի միւսը: Ապստամբութեամբ կամ գէնքի միջոցով ազատութիւն ձեռք բերելու